

նորա տեսցես, թէպէտեւ մասամբք երեւեցաւ ծառն ի պողոց իւրոց չարութեան, ըստ որում Տէրն մեր առաքեաց: Եւ հոգեհոգեք բան մարգարէին եւ միայն զայս ուսուցին հարքն մեր, եւ ոչ թեղադրեալ զմեզ ի համալսարան իմաստից ճեմարան, կամ ի կրթմունս առաքելականաց եւ մարգարէականաց՝ զի նոքօք ըզբօսնուլ եւ արդ ի վկայութիւնս զբանս նոցուն յարմարէի: Այլ սոքօք եւ զայլոցն դու բերեալ համազուգեսցես ի վերայ գոռոզին մահացելոյ, զի եւ բանք հոգելից սրբոցն ի միում ականց են բղխեալք: Քանզի նա յիրաւի նստեալ զեղբօրէ չար խօսէր եւ ի վերայ որդւոյ մօր իւրում զնէր զզայթակղութիւն, եւ ժամանակին ցուցեալ զիւր բարեկամութիւն արտաքուստ՝ եւ ի ներքուստ լի էր անիրաւութեամբ ըստ առակի Տեառն՝ բռեալ գերեզմանաց. քանզի եօթն չարիք ծըրարեալ էին ի սիրտ նորա եւ դարանակալէր աղքատաց եւ տնանկաց եւ պարզամտաց՝ ձգել յորոգայթ իւր եւ խոնարհեցուցանել ընդ լծով ձեռին իւրոյ, որպէս եւ քեզդ արար: Եւս առաւել քոյդ օրինակաւ տիրել ի վերայ տնանկաց, տառապեցուցանել յորսանս իւր յամբարտաւանիւն եւ յանգոսնելն իւրում: Որդւոց մարդկան, ասէ, ատամունք իւրեանց զէնք են եւ լեզուք նոցա որպէս սուր սուսերի որոգայթ պատրաստեալ ոտից մարդկան. խոնարհ արար ի ներքոյ ոտից իւրոց եւ անկաւ ինքն ի նոյն գուրն զոր փորեալ պեղէր ի վաղուց: Մարտնչէր ընդ այլս ի տարապարտուց, հատուցանէր չար փոխանակ բարւոյ, ատելութիւն փոխանակ սիրոյ. որոյ բերանն խօսէր զնանրութիւն եւ աջ նորա աջ էր մեղաց: Զի՛ պարծէր ի չարութիւն հօրն յանօրէնութեան, զօրհանապագ խորհեցաւ ըզնանրութիւն ի լեզուի իւրում. որպէս ամելի սուր սրեաց զնենգութիւն, սիրեաց զչարութիւն քան զբարութիւն, զնանրութիւն քան զխօսս արդարութեան: